



COMUNE DE PÀDRIA

DELIBERATZIONE DE SA GIUNTA COMUNALE N. 53 DE SU 26/09/2022

OGETU: DIRETIVAS PRO SU SERVÌTZIU DE GESTIONE DE SU TZENTRU DIURNU PRO ANTZIANOS CHI SUNT AUTÒNOMOS DE PÀDRIA

S'annu duamìgia e bintiduos sa die bintises de su mese de Cabudanni a sas 17.52, in s'UFÌTZIU DE SU SÌNDIGU, acumpridas in antis totu sas formalidades prevididas dae sa Lege de s'Istadu e dae s'Istatutu, s'est reunida sa Giunta Comunale suta de sa presidèntzia de su SÌNDIGU DUT. MURA ALESSANDRO.

A s'apellu numenale resurtat:

| CÀRRIGA | SAMBENADU E NÙMENE | PRESENTE |
|----------------|---------------------------|-----------------|
| SÌNDIGU | DUT. MURA ALESSANDRO | EMMO |
| VITZESÌNDIGU | MARICA MATTEO SALVATORE | EMMO |
| ASSESSORE | DETTORI GIUSEPPA ANGELA | EMMO |
| ASSESSORE | PIRAS ANGELO | EMMO |

Presentes n° 4 Ausentes n° 0

Partètzipat su SEGRETÀRIU COMUNALE DUT.CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro trattare s'ogetu giutu torra in subra.

SA GIUNTA COMUNALE

Premìtidu chi sunt istados acabados sos traballos de conversione de su tzentru sotziale in tzentru diurnu pro antzianos autònomos chi est via Natzionale n. 53;

Reconnotu chi su tzentru diurnu at totu sos trastes netzessàrios pro su funtzionamentu suo;

Evidenziadu chi est una punna de custa Amministratzione chi custa istrutura noa potzat èssere impitada dae sos antzianos autònomos pro dare vida a momentos de sotzializatzione cun s'oferta de atividades de recreu e de ispàssiu dae parte de personale ispetzializadu;

Pretzisadu chi est escluidu su servìtziu de assistèntzia de base, cun prestatziones infermierìsticas, de fisioterapia e sotziales, chi at a èssere frunidu, cando netzessàriu, suta forma de àteros interbentos;

Consideradu chi est netzessàriu dare diretivas apòsitas pro sa publicatzione de unu bandu pùblicu pro individuare unu sugetu gestore de s'istrutura;

Rapresentadu chi si chere dare sas diretivas chi sighint:

- abertura de s'istrutura dae sas 12,00 a sas 16,00, dae su lunis a su chenàbura, dae santugaine a maju;
- oferta de su bustu a pagamentu cun su servìtziu de su màndigu a domitziliu, chi giai si faghet cun s'Unione de sos Comunes in gestione assotziada;
- su Comune de Pàdria s'at a fàghere càrrigu de s'ispesa pro su servìtziu pro **€ 25.000,00 a s'annu** e de su costude sas utèntzias idricas e elètricas;
- de previdire unu costu forfetàriu mensile a càrrigu de su sugetu gestore de **€ 400,00 su mese**, pro sos meses de abertura, a tìtulu de rembursu partziale de sas ispesas pro sas utèntzias idricas e elètricas;
- su servìtziu at a èssere gestidu pro unu nùmeru mìnimu de chimbe impitadores.
- Sas ratas ant a èssere incasciadas a manera dereta dae su gestore de su servìtziu in base a sas fàscias de rèditu chi sighint:
 1. fàscia 1 (finas a € 8.500,00 ISEE): € 100,00 a mese a fora de su pagamentu de sa cuota pro su màndigu pra sa fàscia de rèditu chi currispondet;
 2. fàscia 2 (finas a € 12.500,00 ISEE): € 150,00 a mese a fora de su pagamentu de sa cuota pro su màndigu pra sa fàscia de rèditu chi currispondet;
 3. fàscia 3 (finas a € 12.500,00 ISEE): € 200,00 a mese a fora de su pagamentu de sa cuota

pro su màndigu pro sa fàscia de rèditu chi currispondet;

Sutalineadu chi su Comune de Pàdria si riservat sa possibilidade de cuntzèdere in afitu e/o in comodatu gratùitu unos cantos tretos de s'istrutura a assòtzios culturales e/o isportivas e a tzitadinos privados a cunditziones ispetzificas;

Bidas sas Lìneas Guida aprovadas cun Deliberatzione de sa Giunta Regionale de sa Sardigna n 38/14 del 24.07.2018, relativas a sos "Rechisidos ispetzificos pro sas tipològias de istruturas sotziales de sas cales a s'artìculu 4, comma 1, lit. a), b), d) e e) de su Decretu de su Presidente de sa Regione n. 4 de su 2008, cunforma a s'artìculu 28, comma 1, de su matessi D.P.Reg. pro s'autorizzazione a su funtzionamentu e a s'acreditamentu";

Reconnotu chi sa tipologia de gestione individuada dae custu Ente si còllocat in sa categoria "Tzentru de agregatzione sotziale" de sa cale a sas Lìneas Guida mentovadas in subra;

Achisidos, subra de sa proposta de deliberatzione, cunforma a s'art. 49, comma 1 de su D. Lgs. 267/2000 e mm.ii. e ii., s o s parres a favore, in òrdine a sa regularidade tècnica e contàbile, espressados dae sa Responsàbile de su Servìtziu finantziàriu;

Riferidu chi subra de sa matessi proposta de deliberatzione est istadu fatu, cun èsitu a favore, su controllu de regularidade amministrativa a incuru de su Segretàriu comunale paris, a s'èsitu de su coordinamento testuale cuncordadu cun sos Responsàbiles de sos Servìtzios interessados;

Intesa sa relata acraridora a incuru de su Sindigu e de s'Assessore Dettori agiudados dae su Segretàriu comunale;

Reconnota s'oportunidade in acordu cun sa proposta avanzada dae sos ufizios, de protzèdere cun urgèntzia a s'aprovatzione de custa deliberatzione pro sas finalidade in ogetu;

cun votos a favore totu de acordu, espressados a manera legale, cunforma a cantu indicadu subra

DELIBERAT

1. **De fàghere pròpias** sas premissas narrative e motivatzionales a custu dispositivu leende-las a cunsideru comente recramadas e torradas a giùghere a manera integrale;
2. **De incarrigare** su Responsàbile de s'Àrea Sòtziu Culturale in òrdine a s'inghitu de una protzedura aberta pro s'individuatzione de unu sugetu econòmicu a su cale afidare su servìtziu de gestione de su Tzentru Diurnu pro antzianos chi b'est in carrera Natzionale n. 53;

De dare, pro ammaniare su bandu de gara, sas diretivas chi s'inghit: abertura de s'istrutura dae sas 12,00 a sas 16,00, dae su lunis a su chenàbura, dae santugaine a maju;

- oferta de su bustu a pagamentu cun su servìtziu de su màndigu a domitzìliu, giai ofertu dae s'Unione de sos Comunes in gestione assotziada;
- su Comune de Pàdria s'at a fàghere càrrigu de s'ispesa pro su servìtziu pro € 25.000,00 a s'annu e de su costu de sas utèntzias idrica e elètricas;
- de previdire unu costu forfetàriu mensile a càrrigu de su sugetu gestore de € 400,00 su mese, pro sos meses de abertura, a tìtulu de rembursu parziale de sas ispesas pro sas utèntzias idricas e elètricas;
- su servìtziu at a èssere gestidu pro unu nùmeru mìnimu de chimbe impitadores.
- Sas ratas ant a èssere incasciadas a manera dereta dae su gestore de su servìtziu in base a sas fàscias de rèditu chi sighint:

- 1 fàscia 1 (finas a € 8.500,00 ISEE): € 100,00 a mese a fora de su pagamentu de sa cuota pro su màndigu pra sa fàscia de rèditu chi currispondet;
- 2 fàscia 2 (finas a € 12.500,00 ISEE): € 150,00 a mese a fora de su pagamentu de sa cuota pro su màndigu pra sa fàscia de rèditu chi currispondet;
- 3 fàscia 3 (finas a € 12.500,00 ISEE): € 200,00 a mese a fora de su pagamentu de sa cuota pro su màndigu pra sa fàscia de rèditu chi currispondet;

De pretzisare chi su Comune de Pàdria si riservat sa possibilidade de cuntzèdere in afìtu e/o in comodatu gratùitu unos cantos tretos de s'istrutura a assòtzios culturales e/o isportivas e a tzitadinos privados e a assòtzios culturales e/o isportivas a sas cunditziones chi sighint:

- ogetu de cuntzessione ant a èssere solu s'apomentu a manca de s'intrada, sos tretos impitados pro mandigare e sos servìtzios;
- sos assòtzios chi promovent sas festas de sa bidde ant a pòdere pedire sos locales in sas dies de sa festa religiosa e tzivile e nd'ant a pòdere godire a tìtulu de comodatu de impreu gratùitu, bastat chi in antis apant isbursadu unu depòsitu comente cauzione de € 100,00;
- sos tzitadinos privados podent rechèdere s'impitu de sos tretos mentovados in subra, dae sas 18:00 a sas 24:00, pro su batijare, crìsimos, festas de làurea, etz...bastat chi in antis apant pagadu un'afìtu de € 120,00 a sero, e su versamentu de su depòsitu cauzione de € 100,00;
- sas tarìfas ant pòdere èssere adecuadas onni annu in fase de ammanadura de su bilàntziu de previsionione;

De ispetzificare chi s'ispesa chi derivat dae custu provedimentu agatat cobertura:

- pro € 6.250,00 in sa missione 12, programma 03, cap. 10418.31 de s'esèrtzìtziu 2022, cuota Comune”;
- pro € 18.750,00 in sa missione 12, programma 03, cap. 10418.32 de s'esèrtzìtziu 2022, cuota impitadores;
- pro € 9.375,00 in sa missione 12, programma 03, cap. 10418.31 de s'esèrtzìtziu 2023, cuota Comune;
- pro € 15.625,00 nella missione 12, programma 03, cap. 10418.32 de s'esèrtzìtziu 2023, cuota impitadores;

De decrarare in fines, cun àtera votazione de sos presentes e su matessi a favore totu de acordu, custa deliberazione luego esecutabile cunforma a s'art. 134, comma 4, de su D.Lgs. 18 de austu de su 2000, n. 267 e m.ii.ii., bida s'urgèntzia de assicurare unu prfetzionamentu sollìtzitu de sas finalidades suas.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **26/09/2022** at espressadu **parre A FAVORE**

PARRE DE REGULARIDADE CONTÀABILE

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **26/09/2022** at espressadu **parre A FAVORE**

SU SÌNDIGU
DUT. MURA ALESSANDRO

SU SEGRETÀRIU COMUNALE
DUT. CARTA GIANCARLO

NOTA DE PUBBLICAZIONE N. 749

Cunforma a s'art. 124 de su T.U. 267/2000 su Responsabile de sa Pubblicazione **SEGRETÀRIU COMUNALE DUT.CARTA GIANCARLO** atestat chi in data 26/09/2022 s'est protzèdidu a sa pubblicazione a s'Albu Pretòriu.

Sa Delibera est esecutiva cunforma a sas dispositziones de lege in vigèntzia

Còpia digitale de documentu informàticu firmadu a manera digitale e produidu cunforma a su D.Lgs 82/2005 e normas respetivas collegadas